

Miercus 30
B. Ricart

Sabide 2
S. Elpidi

Martars 5
S. Taresie di Calcutte

Il proverbi
Cul timp si madrès la int



Il soreli
Ai 30 al jeve aes 6.24
e al va a mont aes 19.50

Joibe 31
S. Arstit

Domenle 3
S. Gregori I

Il timp
Cil seren
e temperaduris dolcis

Lis voris dal mès
Cjapait sù jerbetis rossis, cocins,
patatis e pomodoros



La lune
Ai 6 lune plene

Vinars prin di Setembar
S. Ejjidi abât

Lunis 4
S. Evarist

la GNOVE

MESTRIS DI FURLAN 100 iscritti al cors di formazion a Aplis

Un centenâr di iscritti pe prime «Suele di Avost», il percors di formazion estîf pai insegnants di lenghe furlane de scuele de infanzie, primarie e secondarie di prin grât che si è tignût dai 28 ai 30 di Avost, tai monts di Davâr, a Aplis, immaneât di Docuscuele, il Centri di documentazion ricercje e sperimentazion didatiche pe scuele furlane, cu la poie di Regjon, Agjenzie regionâl pe lenghe furlane, Societât filologjiche furlane, Uffici scolastic regionâl e cul patrocini de Uti de Cjargne e Carnia Musei, valit pal inzornament formatîf, daûr des liniis vuide dal Ministeri de Istruzion 2016-2019. «Il cors al è une rispueste concrete ae richieste di formazion de bande dai insegnants, stiçade des fameis», al à marcât il diretôr de Arlef, William Cisilino, ae scree de «Summer School» furlane. Une richieste sostignude de Regjon, e à vût dit te stesse ocasion la assessore regionâl ae Istruzion, Loredana Panariti, che e à volût sotliniâ l'impegn dal ent sui fonts di destinâ ai cors di furlan, che a coinvolzin ogni an sù par jù 40 mil arlêfs des provinciis di Udin, Gurize e Pordenon, e par finanziâ la formazion universitarie e l'inzornament dai insegnants. Panariti e à ancje ricuardât la colaborazion tra Arlef e Universitât dal Friûl par rivâ a une certificazion linguistichis su lis cognossincis de lenghe furlane.

E.A.

Il prestigjôs ricognossiment al va a Paolo Goi, Gian Paolo Gri, pre Dino Pezzetta e Antonio Francisco Roy. Premiazions ai 9 di Setembar

Il «Merit» di pre Meni

Premi speciâl ae memorie
a pre Zannier, par agnorums
la anime dal «Merit furlan»

AL È STÂT PAR AGNORUMS la anime dal premi «Merit furlan», nassût par fâ cognossi – e dâur, juste apont, merit – i furlans che si son fats notâ pal lôr impegn te vite culturâl, sociâl e economiche, ancje tal forest. E lui, **pre Meni Zannier** (te foto a man drete), che chel premi lu à ideât, dal sigûr al è stât un protagonist dal panorame culturâl furlan cu la sô atente capacitât di analisi dal vuê, des cuestions culturâls, politichis e sociâls che a tocjavin il Friûl e i furlans e che a jerin speli i siei viers. Par chest, dilunc de cerimonie di premiazion dal «Merit furlan», sabide ai 9 di Setembar, li dal Cjistiel di Darçjan disore, i sarâ dât un premi speciâl ae memorie.

Straordenari cjantôr dal Friûl, e in lenghe, e difensôr cence padin de nestre identitât di popul, pre Meni al è mancjât ai 11 di Zenâr di chest an, lassantnus une ereditât inteletuâl vivarose e atuâl, che si disglagne no dome de sô opare leterarie imense (lis universitâts di Salisburc e di Innsbruck lu candidarin al Nobel pe letature tal 1986), ma in dute la sô vite. Predi e insegnant, poete e scritôr, critic di

art e gjornalist (al direzè ancje «la Vite Catolice», dal 1975 al 1976), al à simpri pensât, e pandût tes sôs oparis, che cjâl al avignî al è prioritari, ma simpri butant un voli al propri passât, di chest si pues gjavâ fûr ispirazion in non di chês lidris che no si puedin discognossi.

E cun chest spirt la comission dal prestigjôs ricognossiment si è metude adun ancje chest an par esaminâ lis segnalazions rivadis dongje di bande di Comuns, privâts, ents e associazions e e à selezionât cuatri personalitâts che si son fats cognossi intal cjamp dal lavôr, de ricercje, des sciencis, de culture, de art e de solidarietât, ven a stâi Paolo Goi, Gian Paolo Gri, pre Dino Pezzetta e Antonio Francisco Roy. Cuatri «ceclencis» furlanis, personalitâts di grant spessôr che a puedin jessi di stimul e di esempi ai plui zovins.

Rivât chest an ae sô trentesime cuarte edizion, il «Merit furlan» al è promovût de Comunitât Culinâr dal Friûl e dal Comun di Rivis Darçjan in colaborazion cu la Associazion Merit furlan, che pre Zannier al veve preseddût fin ae muart.

La comission – cun a cjâf Mirco Daffarra, che al è ancje president de Comunitât Culinâr – e à premiât **Gian Paolo Gri**, nassût a Forçjarie, «pe sô straordenarie ativitât di antropologic e i siei studis di grant valôr sul rapuart tra tradizion e modernitât»; **Paolo Goi**, di



Manià, «pe promovion in Italie e tal forest de art dal Friûl occidentâl»; **pre Dino Pezzetta** «pe vocazion al assistenzialism sociâl, al confront diret cu lis personis e ae divulgazion de fede tes modalitâts plui diferentis»; e, par finî, **Antonio Francisco Roy**, avocat, nassût in Argentine, «pe sô opare di divulgazion e valorizazion de furlanetât tal mont, simpri ative».

Il riceviment dai ospits dal premi e tacarà aes 6 e mieze sot sere tal curtil dal Cjistiel (la cerimonie di premiazion si le fararà ancje se al ves di jessi brut timp); aes 7 e vignarà celebrade la Messe par furlan; aes 7 e mieze, il salût des autoritâts, po la presentazion dai premiâts e la consegne dai ricognossiments.

ERIKA ADAMI

si Fâs Par mûT Di Dî



Il Guvier al fâs marcie indaûr su la abolizion des monedis di 1 e 2 centesims. Miôr cussì, in tims di crisi a coventin ancje chei.



«Âf Blu», un progjet internazionâl

Il spettacul teatrâl «Âf Blu», ideât di Serena Di Blasio, si è trasformat intun carton animât divertent (te foto), cuntune pontade pilote fate dal dut in Friûl, in lenghe furlane e cul apuart di artiscj e professioniscj dal nestri teritori. Cumò, in graciis de poie de Agjenzie regionâl pe lenghe furlane al devente un gnûf progjet di respir internazionâl cul coinvolziment, in fase di produzion, de udinese Tucker Film che, pe prime volte, si met in zûc cuntune produzion seriâl animade. La progetazion triennâl e previôt la realizazion di 24 episodis di cirche 6 mi-

nûts ognidun, prontâts ad implen di talents furlans sot de regjie atente e competente di Matteo Oleotto. Il stampon di chest prin implant al è stât ilustrât ai Colonos di Vilecjaze di Listize ai 22 di Avost, te suaze di «Avostanis». Pe Arlef, il coinvolziment de Tucker Film al vierç prospetivis concretis par lavorâ a un disvilup dal progjet che, partint dal teritori furlan e doprant la lenghe furlane, al puedi acuisi un respir e une difusion tant ample e interessante dal pont di viste culturâl, didatic e des politichis linguistichis, ma ancje dal pont di viste dal marcjât.

DAL 1987 NASCENTE LAVORA AL VOSTRO FIANCO

PITTURE



SISTEMAZIONE
SERRAMENTI



MANUTENZIONI
EDILI



Nascente è il valido aiuto per risolvere i piccoli lavori di manutenzione utili a: privati, aziende, condomini, enti e comunità.



NASCENTE
Società Cooperativa Sociale a.r.l.

Nascente
Società Cooperativa Sociale a.r.l.
Via Chisimato, 40 - 33100 Udine
fax 0432 405759

Contatti: 0432 541966
www.nascentecooperativa.it